



堯山堂外紀卷八十七

晉陵蔣仲舒編

國朝

李東陽

字賓之號西涯茶陵人父名淳金吾衛軍餘微時為渡子日嘗見一婦人

早渡午歸迨晚復渡如此者幾月李一日詰其故婦曰有夫與獄日往給其飲食又

復歸騰翁姑耳李聞其言甚憫之遂却其直早曉任其度他日一叟見李告曰聞汝

素有善念必獲善報汝有親骨未埋吾當為擇吉地瘞之後當有發因與擇一山指

曰有白狐臥處即往瘞也汝可潛昇親骨埋其中李一夕亡彼果見白狐稔眠不起

堯山堂外紀卷八十七

李恐天明人知可折樹枝有聲狐驚聳身三立而去遂即其穴埋之明日叟來詢葬

事李告以故叟曰俟狐自起乃為妙爾今驚去當中衰汝子當不失為三公後西涯

公果上貴子先早卒年未三十公竟至無嗣

李東陽四五歲即能運筆作大字順天府以神童

薦召入內庭過門限太監云神童脚短李高聲

荅云天子門高即聞于上景皇命書麟鳳龜

龍十餘字大喜抱置懷中賜果鏹令翰林院作

養

公此時入朝小紅履一雙白綾襪一雙後為耿天臺所得貯以一篋自撰小文記之



李西涯程篁墩同朝見適直隸貢蠨至 英廟即

試以對句曰螭蠨渾身甲冑程應聲曰鳳凰遍

體文章 上加稱賞時李尚伏地徐對曰蜘蛛

滿腹經綸 上遂大異之曰是兒他日作宰相
耶俱賜寶鏹而出後李出入館閣四十年而程
終于學士竟如其對云

李西涯在翰林時諸翰林齋居閉戶作詩有僮僕

窺之見面目皆作青色彭敷五以青字韻嘲之

堯山堂外紀卷八十七

二

幾致反目西涯爲解之有曰擬向麻池爭白戰
瘦來雞肋豈勝拳聞者皆笑

李西涯與程篁墩同歎習庶吉士每至院檢閱會
簿悉注病假而去西涯口占一絕云迴廊寂寂
鎖齋居白日都消病曆除竊食大官無寸補綠
陰亭上看醫書

謝方石鐸在翰林學詩時自立程課限一月爲一

體如此月讀古詩則斥官課及應答諸作皆古

詩也西涯嘗爲崖山詩內一聯謝意不滿西涯
以爲更無可易謝吟曰觀子胥中似不止此最
後曰廟堂遺恨和戎策宗社深恩養士年謝又
笑曰微我子不到此西涯又爲端禮門古樂府
謝以爲未句未盡往復再四最後乃曰碑可毀
亦可建蓋榱事久乃見不見奸黨碑但見奸臣
傳謝不待辭毋躍然而起

羅明仲嘗謂三言亦可爲體出樹處二韻迫西涯

堯山堂外紀卷八十七

三言不

題扇即援筆云揚風帆出江樹家遙遙在何處
又因圍碁出端觀二韻即曰勝與負相爲端我

因君得大觀

羅明仲謝鳴治李賓之陳師召同飲陸鼎儀宅夜
歸馬上聯句羅倡云駐馬赤欄橋謝云東風見
柳條水聲通苑近李云山色去城遙令節招尋
晚陳云名園聚會饒夜歸沐秉燭羅云須憶紫

宸朝

李西涯與客聯句嘗折散褥中故絮以代燭其次
白洲畱別詩有看花不厭傷多酒燃絮猶供未
了詩蓋紀其實也

上元節京師燒糯汁爲瓶以貯水畜魚芴映屏燭
通明可愛俗呼泡燈黃巖王古直買置于館日
玩弄爲兒戲李西涯以詩嘲之曰買得長安市
上春玉壺清水貯金鱗却看塵土疑無地未掣
波濤亦有神眼底功名聊此幻杖頭風月且教

克山堂外紀卷八十七

五

貧西堂燈火元宵夜又向東風作旅人一日古
直誤觸碎魚瓶意怫然不樂曰吾平玉家計在
此今蕩盡矣西涯復疊前韻慰之曰白髮華燈
一夜春江南江北兩窮鱗飛騰有地歸塵土訶
護無錢役鬼神物以泡名終合盡家隨身在更
何貧清詩素壁猶堪玩休羨揚州鶴上人

古直名佐

字仁甫以字行又號鐵老以布衣遊京師鄉人有坐事者古直候諸官官俗甫入刑部獄獨暴立烈日不與衆囚伍李主事廷美異之檢衣帽間得柯學士諸詩問之曰爾能詩即使賦日影

詩成縱之歸長揖而出獄吏皆大笑自是得名
旅食三十年無僮僕不置余既有大籠五六惟
詩畫數百幅中貯酒壺辰山飲一兩勺已復鐫
之以去或勸使仕大言曰我來為爵祿圖耶盍
科舉乎則歎曰安得以少年處我嘗在酒所
嘆曰此亦功名事業也蓋亦一世奇士云

王古直李西涯同集謝方石宅西涯與方石聯句

戲贈仁甫李倡云木枕篔簹袍着地哦謝云謝公

堂上有神仙李云身存尚覺無家累謝云客久

何妨與世懸李云書笥不空僮僕守謝云酒杯

羞共俗人傳此生蹤跡真奇恠李云一度詩成

竟山堂外紀卷八十七

六

一完然

蘇入織蒲爲茵二片置床倚間藉背及足甚宜冬

寒凌季行以書來惠西涯道經彭敷五太史輒

爲所畱西涯作詩報季行并柬敷五曰輕蒲一

簇軟如花巧織重鋪意未華吟處迥宜孤背倚

坐來溫愛兩趺加未沾南國佳人惠已落東瀧

病叟家幸有題封三十字慙慙畱向手中誇

蕭文明以榛子惠西涯西涯以詩謝曰野簇蹊叢

滿地垂飽霜。經雨亦多時。長疑塞外隨。車遠錯恨。山中結子遲。竹籬舊封筍。夜到茗芽香。盃入春宜。知君情比投桃重。不愛瓊瑤却愛詩。

陳師召有旨馬售錢六百西涯諭之以詩曰六百

青蚨十里才。忍將筋骨付塵埃。驚。鬼。已。脫。池。邊。

險。往。事。無。勞。塞。上。猜。師召已連失二斗酒杜陵堪再

醉。用三百青銅語千金郭隗幸重來。知公自足忘機者

一笑能令萬事該。西涯嘗得良馬以贈師召師召騎入朝歸至門成詩二章

堯山臺外紀卷八十七

七

怪云還其馬西涯問故師召曰吾舊所乘馬朝回必成六詩乃至門此馬止二詩耳非良也西涯笑曰馬以善去為良此固非良耶公唯唯復繫而去

李若虛秋官舊有屋一區為穆滌所壞數年不售

竟得銀四兩聞陳師召售馬自謂與此價略相

近索西涯詩因用前韻曰臺署元非駟儉才直

看金壁等浮埃。頽垣已付池蛙管。賀客翻同野

燕猜。白老有詩行復問。樂八詩云江邊欲買三間已問遍人家不要詩

寇公無地去。還來詞林馬價誰多少。不待相逢

意已該。

李西涯以絲瓜饋李若虛誦其餽詩爲祝若虛有
詩馮佩之以和章見索西涯因用韻饋瓜如例
并呈二公曰地接東陵路不賒。冷官生計只籬
瓜。閒行似愛涼。陰薄醉筆多。隨野蔓。斜名自雅
歌傳聖代。例分風味與詩家。從今記取宜男祝。
賀客來時好薦茶。

李若虛餽匏瓜西涯仍疊前韻奉謝曰野意相看

堯山室外紀卷八十七

總不賒。園匏雖大亦稱瓜。青叢摘罷烟仍濕。翠
籠擎來日半斜。吟有舊題成左券。酌無清酒愧
西家。郎曹興味清如此。絕勝春風諫議茶。

傅白川以無花果餽西涯答其絲瓜之贈西涯疊
前韻曰翠籠珍果望還賒。報我真應愧木瓜。采
掇恐沾秋徑濕。傳看不學夜燈斜。飽知實德非
虛語。脫盡浮華是大家。異於清詩而奇絕。渴心

何必建溪茶。

李西涯以瓜饋楊維立編脩楊以桃荅西涯疊前
韻曰手種丹桃歲月賒感君報我勝投瓜來疑
度索山城遠去恐天台石磴斜已託神仙稱壽
域敢教兒輩惱隣家餐餘便有通靈意不待盧
仝六益茶又以瓜饋曾文甫編脩曾以冬瓜荅
西涯亦疊前韻曰晚花秋蔓野堂賒不道冬園
別有瓜未遣堦苔封徑合昔緣籬竹掛簷亦後
時豈敢爲君惜多子還應勝我家預報明年湯

堯山堂外紀卷八十七

九

餅會嘉期須及雨前茶

馮佩之饋西涯石首魚有詩西涯次韻謝曰及網

初收曉市開黃魚無數一時來風流不關蓴絲

品軟爛偏宜豆乳堆碧盃分香憐冷冽金鱗出

浪想崔嵬高堂正憶東鄰送詩句情多不易裁

馮佩之以筍乾饋西涯自稱玉版老師吳原博饋

西涯以冬笋佩之目爲吳山少俊西涯疊前韻

謝佩之曰玉版山深石路閑東軒眞被籠盛來

飽讀南國煙霞未不入長安酒肉堆老覺禪心
終苦淡瘦看詩肯共崔嵬業林年以休相笑脫
却緇衣更懶栽又疊前韻謝原博曰翠籠青笋
一時開烏有清風竹巷來原博居脩竹巷池鳳羽毛應
比秀穉龍鱗甲漫成堆穢材有派分洋谷珊瑚
無心鬪馬嵬莫笑北人曾莫賁久從相客問烹
裁

謝于春送揚梅乾於西涯無詩西涯

堯山堂外紀卷八十七

十

之曰深夜柴門闔更開揚梅香送滿

乾

淺帶層冰結紅爛紛成萬粟堆坐愛春盤不磊
落憶從秋樹採崔嵬莫教俗却先生饋佳句重
煩答後栽他日以柑答贈復用前韻併柬王世
賞曰凍地經寒裂欲開南柑初載北車來霜隨
玉爪冰絲落日照金盤火齊堆高價敢論燕市
踊遠懷還憶楚山嵬也知共陸當時伴健筆應

勞太史裁

蕭文明生日西涯以龍尾硯爲壽并致一詩云我
持龍尾溪頭石。來壽鳳毛池上人。消定石將人
比德。壽看人與石爲鄰。長畱天地詩家事。坐鎮
浮澆靜者身。記取翰林揮翰客。年年來此頌芳
辰。

西涯素不善飲蕭文明詩來自西涯爛醉欲人扶
之句且以二樽見惠西涯步韻答之夢斷向陽
舊酒徒。坐驚神語落虛無。若教對飲。勝從

堯山室外紀卷八十七

十一

使微醺不用扶。往事分明成一笑。遠。里得

雙壺。次公亦是醒狂客。幸未。麤豪比灌夫。

沈禮部時暘以隻鷺斗酒饋西涯家僮誤送于顧
刑部天錫時暘去始知之戲作小詩寄之云隔
城風雨送歸驂。斗酒籠鷺意未堪。何令別時無
長物。殷郎書到只空函。十年世事成春夢。千里
神交入夜談。他日相逢應一笑。亂山深處是江

南。

三山林亭大脩撰得第四男西涯用舊韻賀之云
莫謂三山道路賤人間仙里不論人。蓬前曾客
犀錢散。醉裏題詩蠟炬斜。三鳳豈須誇。薛氏入
龍。今已半荀家。他時細說熊羆夢。夜榻流連到
幾茶。

西涯次張亨父韻題醉楊妃菊云誰采繁花席上
題。偶將名姓託唐妃。日烘花粵醺時。而向秋華
清。浴後衣隔坐似邀秦國語。揮毫不覺仙歸。

堯山室外紀卷八十七

欲從顏色窺生相已落詩家第二板

李西涯嘗有岳陽樓詩云吳楚乾坤天下小江湖
廊廟古人情鏡川楊文懿公亟稱之有同官者
不以爲然駁之曰吳楚乾坤之句本妙在拆字
浮字今去此二字則不見其妙矣楊曰然則必
云吳楚東南拆乾坤日夜浮天下句而後爲足
耶後以語西涯爲之一笑

李西涯丙午長至祀陵紀行詩末韻云朝趨未報

鳧飛信庭覲先陳鯉退詩二紀茲行今十度春
來風物合分誰未幾先生定之丁想公漫門為何
孟春言之以為詩讖

李西涯北上時得句曰山色畫濃淡兩日不能對
忽曰鳥聲歌短長羅水玉珠不肯肯曰對似未
過然竟不能易

弘治中虜使語館伴有一偶語無對者日攀曰朝
無和邊無將氣數相將李西涯聞之曰天

堯山堂外紀卷八十七

難度地難量乾坤度量

宋時有十八人非幸
至訟庭守不置士人

憤懣大聲稱屈守怒曰若為士乃敢爾為我屬
封不能且得罪因唱曰投水屈原真是屈士人
應聲曰救人曾子又何曾守曰吾句有二屈字
而汝句尾乃曾字汝之不學明矣顧何所逃罪
耶士人笑曰此乃使君不學爾抄屈如流俗皆
如字呼而屈到屈原皆九勿切史君嘗研究否
守慙釋

遺之

李西涯當國時嘗冬月五更入朝至長安街值崔
後渠銑方在道上酣飲後渠拱立軒前請少飲
數酌以敵寒氣西涯即下轎連舉數大白升檐

去

李西涯當國時其門生滿朝西涯又去是約筵拔
故門生或朝罷或散衙後即羣集其家講藝談
文通日徹夜率歲中以為常一日有一門生歸
省兼告養病還家西涯集同門諸人餞之即席
賦詩為贈汪石潭俊詩先成中一聯云千年芝
草供靈藥五色流泉洗道機諸人傳記以為絕
佳吳稿西涯西涯抹後一句令石潭改亦皆

堯山堂外紀卷八十七

愕然石潭思之亦終不復能綴眾以請於西涯
曰吾輩以為抑之此詩絕好不知何故以為未
善西涯曰歸省與養病是二事今兩句單說養
病不及歸省便是偏枯且又近於合盤眾請西
涯續之西涯即援筆曰五色宮袍當舞衣眾始
歎服李西涯善詩門下多詞客劉晦菴閣老忌
之嘗云後生輩纔得科第却去學做詩做
詩何用女長李杜李杜也二是一兩個粹
漢撇下許多好不學却去學

李西涯善謔居政府時庶吉士進見公曰今日諸

君試屬一對庭前花始放衆哂其易各思一語
應之曰總不如對閣下李先生衆一笑而款

李長沙在京邸款會試貢士若干人酒數行俱起
辭謝公曰且止有場中題願商之東面而征西
夷怨南面而征北狄怨諸君亦知所以然乎衆
思頗久未解公咲曰無他意也只是待湯滿坐
捧腹

焦閣老芳面黑而長如驢嘗謂西涯曰不善相煩
堯山室外紀卷八十一

一看李久之乃曰左相像馬尚書右相像盧侍
郎必至此地位馬與盧合乃一驢字始知其戲
一日西涯與焦公及禮書傅公瀚早朝焦見校
尉有露臥者焦戲傅云曉日斜穿校尉頭蓋以
傅爲新淦人時有江西校尉之號傅不能荅李
願指焦耳傅悟遽云秋風正貫先生耳蓋俗有
秋風貫驢耳之說焦像驢耳戲之

翰林院素稱清貴無簿書之擾舊有語曰一生事

業惟公會半世功名在早朝所謂清者如此李
西涯時爲學士因衆失朝罰運灰夫續行云
更有運灰并運炭翰林身上不曾饒一時闕然
聞有一檢討討裏河之夫其驛丞不接甚不平
或謂之曰人多不知檢討何官可只呼學士說
好次日果稱學士仍前不出乃賦詩云翰林檢
討被人輕却冒瀛洲學士名依舊斤司公不理
由來知要
不知清

弘治丙辰科進士有孟春季春夏鼎周鼎西涯閣

老嘗即席命對孟仲季春惟少仲已而即應聲

堯山堂外紀卷八十七

十一

云夏商周鼎獨無商

湖廣彭民望有學而老貧謁故友于京不遇回李

西涯以詩寄云斫地哀歌興未闌歸來長缺尚

須彈秋風布褐衣猶短夜雨江湖夢亦寒彭讀

之黯然不樂至木葉下時驚歲晚人情閱盡見

交難長安旅食淹畱地慚愧先生首蓓盤乃潛

然淚下爲之悲歌數十遍不休謂去去西涯

所造一至此乎恨不得尊酒重論文耳自是不

閱歲而卒

弘治間浙江有一六伯未第時與一生交好甚密及仕江西故人遠造焉

送館於章江門外石亭寺僧房無矜念之意其生題一絕於壁云十年心事酒杯空對江鷗去復還一帶西山青入眼幾人青眼似西山竟不辭而去寺僧抄詩入報方伯大慚遣人追之生竟不返又嘉靖末客有與成國公厚者然特與飲食而已俞院判見客衣敝寄詩云長安車馬自肥輕獨爾鶉衣冷不勝聞說孟嘗多好客好將心事托平生成國聞詩持送衣一篋

李少師少小入詞林暨在館閣垂四十餘年正德

中爲首揆揚州陸滄浪矚其亡投以尺素公歸

啓之一絕云文章聲價斗山齊伴食占書日已

堯山堂外紀卷八十七

十一

西回首湘江春草綠鷓鴣啼罷子規啼末句蓋以鳥語

哥哥行不得也不如歸去公得詩但解嘲而已

李西涯子允先文名甚高然遊俠無度以是致病

公一日過其書館中適外出不在時弘治甲子

當大比乃書其几曰今日花街明日花街柳秋風

桂子秀才秀才明日兆先亦書四句於西涯几

上曰今日東風明日西風陰陽燮理相相公

兆先字徵伯號鍾菴甚有家學是秋以誤落題字竟不得第以死公之相業後到逆瑾弄權時

不知其於變
理如何耳

李兆先嘗見西涯祀陵詩野行愁夜虎杖屨起秋
蠅之句問曰是爲秋蠅所苦不能臥而起耶西
涯曰然曰然則愁字恐對不過西涯曰初亦不
計妨字外亦無可易者曰似亦未稱請用廻字
如何蓋謂爲夜虎所逼而廻也西涯曰然遂用
之

李徵伯嘗與何孟春席上題夢筆圖徵伯詩云王

堯山堂外紀卷八十七

十一

文慕奇筆精思入幽夢會有取去時何如不相
送西涯頗不樂謂徵伯曰汝非子元敵矣其年
徵伯下世

李西涯與楊邃菴素相善初劉瑾欲害楊西涯力
掄乃免及西涯病劇楊慰之曰國朝以來文臣
未有謚文正者公如不諱請以謚公西涯倚榻
頓首遂卒有無名子改宋人譏京堂詩云文正
從來謚范王如今文正却難當大家吹上梧桐

樹自有傷人說短長

陳音

字師召號愧齋莆田人東陽同榜性寬坦在翰林時夫人嘗試之會客至呼

茶曰未奠公曰也罷又呼乾茶曰未買

公曰也罷客為捧腹時因號陳也罷

陳師召擢南京太常門生會餞有垂涕者李西涯

大學士在席為句云師弟重分離不陞他太常

卿也罷公應聲曰君臣難際會便除我大學士

何妨一座絕倒

師召後召為翰林學士同官投刺招飲明日公忘為誰柔馬漫

行一給事中設席公曰招我者此也遂入席頃之同官使人來速夫人曰此必胡撞不知投誰

堯山堂外紀卷八十七

十九

家矣汝認所乘馬可覓也使者踪跡見公公曰我誤我誤又嘗檢書得友人招飲帖師召忘其昔所藏也如期而往累茶不送主人請其來故答曰小君飲耳主人訝之而難於致詰具酒共酌席罷方悟去年今日曾邀陳也又嘗自院中歸語從者曰今日訪某官從者不聞引轡歸舍師召謂至某官家矣升堂周覽曰境界全似吾家何也又觀壁間畫曰是我家物何緣在此其僕疑以告其夫人出視之公訝曰何為亦在此士林傳以為笑

陳師召時苦吟重九會白雲觀分韻得然字詩云

長春宮殿鎖寒烟駐馬斜陽錦樹邊白鶴不歸

雲影外黃花仍發酒杯前龍山又落參軍帽藍

水長歌子美篇聚散幾回時序別令人對此一茫然。

陳師召在內直誤繫李西涯牙牌角帶以去西涯戲以詩曰倦摩雙眼出長安束帶懸魚總誤看裝飾不嫌非異物標題猶喜是同官酒防太白狂時換腰愧休文病後寬堪笑玉堂叢話裏向來詩筆幾曾乾師召嘗清旦入朝誤寘冠纓於背及覩同列坐纓俯視領下駭曰公等悉冠纓而吾獨無何也一人遽持其纓而正之曰公自有纓獨無背後眼耳諸公大噱

堯山堂外紀卷八十七

二十

陳媿齋在南京嘗有夢中詩寄李西涯李戲荅之曰舉世空驚夢一場功名無地不黃梁憑君莫向癡人說說向癡人夢轉長

陳師召官四品時夫人爲鬻得金獅緋袍不知爲武臣服色公亦竟不察一日命工肖像公整容服獅袍而坐李西涯適至因乞爲贊西涯遽題曰觀其鬢則齊觀其衣則非若人也不可信而可疑使逢其鬢更其衣嗚呼庶幾

西涯嘗戲陳師召擲骰子得么

則指曰吾度其下是六反之果六也各色皆然
師召大驚語人曰賓之天才也或論之曰彼紹
公耳上么下六自是定數何足為異師召笑曰
然則我亦可為因詣西涯告之西涯已先度其
必至別製六散錯亂其數矣師召
屢商不中乃嘆曰兄真不可及也

程敏政

字克勤號篁墩
羅倫榜第二

程敏政以神童至京李賢學士許妻以女因留飯

李指席間果出一對曰因荷何而得藕偶程應

聲曰有杏幸不須梅媒李大奇之

李西涯與程篁墩過采石李得句云五風十雨梅

堯山堂外紀卷八十七

三十一

黃節程即應云二水三山李白詩一時服其巧

麗

弘治改元七月文華後殿講書畢上賜講臣程

敏政等各織金緋衣金帶及紗帽烏靴皆叩頭

謝訖上顧謂曰先生辛苦咸對曰此皆職分

當為頓首而退敏政有詩記之曰映日呆愚曉

殿深湛恩稠疊駕親臨褒衣紅濯天機錦束帶

黃分內帑金久幸清班容宦履漸慚華髮點朝

竹簪經生職分尋常事消得君王念苦辛。

弘治己未程篁墩主考會試以言者六位未幾發
背卒是年京師有雪夜祈仙者先生至降筆云
夜偕東坡遊聞有召仙者予亦謫仙流也事之
不偶殆有甚焉詩以紀之因書一絕云江山何
日許重來白骨青林事可哀吾黨莫言清夢遠
海東東更有蓬萊又二律云紫閣功名近已休
文章空白壓儒流孤忠敢許懸天日浩氣還堪
堯山堂外紀卷八十七

二十二

射斗牛蘇子蟄松遭衆謫杜陵荒草喚窮愁乾
坤不盡江流意回首青山一故丘又云斯文今
古不堪哀道學真傳已作灰鴻鴈未高羅網合
麒麟偶見信時猜迅雷不啓金滕惑紫電誰憐
武庫才此氣那同芳草合渾淪來往共盈虧

程主

考曰其第三問策題程所出以四子造詣為問
計魯齋一段出劉靜修退齋記士子多不通曉
程得一卷甚異之將以為魁而京城內外盛傳
其人先得題意乃程有所私為華給事中景等
所劾謂私徐經唐寅等上命李公覆閱遲三
日始揭曉言路復論列欲窮治之上怒下都

給事中林廷玉等于獄落言官數人職而程亦致仕以去又聞弘治時南京龍電精於文義中壬子書魁乙卯代金都御史澤子達入試浙場中第八又與同中甲科人有詩嘲之曰阿翁一自轉都堂百計千方幹入場金澤財多子孫劣龍電家窮手兒長有錢使得鬼推磨無學却將人頂缸寄與兩京言路者好排闥圍說彈章其詩盛傳於時後二人皆不容於清議一止浙僉一止太僕丞今科場要令批首立貢院門內辨閱同試者面貌方入蓋由此始聞入試日亦甚秘密惟有一人見其鬚不類心頗疑之始傳其事云

邵珪

字文敬宜與人在郎署日自號東曹隱者

邵文敬爲童子時塾師出對云柳暗鶯無語即對

堯山堂外紀卷八十七

二十三

云花慵蝶有愁師以爲工及登第後與翰林諸公賦春陰詩即用此作一聯云春雲黯黯閣林頭雨意兼旬尚未收李白錦囊空好句杜陵玉勒阻清遊長堤柳暗鶯無語上苑花慵蝶有愁睡起不知簾幙午紙窻圍翠篆烟浮遂擅場

邵文敬善書工碁詩亦有新意如江流如白龍金焦雙角短之類又有半江帆影落尊前之句人

稱爲邵半江

邵半江一日題陳圖南小像云盤陀石上淨無塵
岳色江聲共此身莫恠吳儂渾不醒百年俱是
夢中人詩成求質於李西涯西涯給之曰尚有
一二字欠穩待予更之西涯乃默記竊爲已有
先題吳公畫上後邵公見之撫掌大笑

邵文敬字體簡變蘇書李西涯亦以蘇書荅之跋
云戲效東曹新體邵誤以爲效其詩作依字韻
詩抵西涯首句云東曹新體古來稀西涯因戲

堯山堂外紀卷八十七

二四

次其韻曰東曹新體古來稀此意茫然失所歸
字擬坡書聊共戲詩於崑法敢相譏休誇驥裏
才無敵未必葫蘆樣可依却問碁場諸國手向
來門下幾傳衣相與大笑而罷

邵東曹墮馬傷足李西涯次秦武昌韻諺之十年
雙足躡詞場我亦憐君墜後傷歷塊敢誇千里
俊乘船翻笑四明狂扶顛老僕空隨路學仆嬌
兒更倚堂應似崔家亭下鷺獨拳秋雨向寒塘

天順朝某國貢名馬云能搏虎 英廟命置虎城

中虎鬪不勝死邵文敬賦得馬鬪虎曰天門名馬真龍媒萬里新自流沙來先皇知爾才磊落放入虎圈與虎搏霜蹄蹴踏虎即斃英風颯爽來天際當時觀者應嘆嗟唐家豈有拳毛騮

楊光溥

台州人邵文敬同年進士仕至山西按察司副使

楊光溥有味梅集句百首其最可稱者北風萬木

正蒼蒼粉色凌寒透薄妝嚼盡不妨浮白飲愛

堯山堂外紀卷八十七

二十五

閑猶有和詩忙月來忽送闌干影風過還聞遠近香最是今年春好處數株如玉照寒塘又聞

道春還已有期梅花一夜遍南枝不嫌艷杏天

桃俗長愛蠻烟瘴雨欺狂客興多惟載酒閒身

事少只題詩千林掃迹愁無奈羗管悽涼更忍

吹又花開正屬小春時一氣纔新物未知嶺外

江南千萬樹小牕斜日兩三枝臨溪照影為誰

好步月聞香每自疑幸有微吟可相狎詩人所

賞是風姿。又怕愁貪睡。獨開遲。政爾寒陰慘淡。
時。姑射仙人。冰作體。漢家公主。玉爲肌。蒼松翠
竹。爲三友。流水空山。見一枝。不比西園。艷桃杏。
等閑開落。只春知。同時錢唐沈行。亦有百二十
首。其可稱者。梅花不肯。芴春光。百卉前頭。第一
芳。信是乾坤。容晚景。亦知草木。有真香。踈踈籬
落。娟娟月。淺淺池塘。短短塋。此際最宜。何處看。
孤山園裡。麗如妝。又青帝邀春。隔歲還。分香多

是。畹中蘭。開花占得春。風早數朶。先欺。臙雪。寒
鬢。裊黃金。危欲墮。蒂疑紅蠟。綴初乾。林塘得爾
偏增價。無限行人。立馬看。又南北枝頭。玉蕊皴
陽和。先已到孤根。看花弄水。聊爲樂賞。月吟風
不要論。欲賦妍華。無健筆。忍教落片。點空尊。江
邊一樹。垂垂發粉。蝶如知。合斷魂。又且喜春光
動物華。數枝妝點。野人家。謾疑海上神仙。侶不
是人間。玉樹花。又恐好枝爲雪壓。故生幽處被

雲遮遲遲欲去猶回望。援筆題詩到日斜。行又

奩集句百二十首垂柳陰陰畫掩扉。流鶯不轉

最高枝。春閨多少關心事。夫婿多情亦未知。又

宿雨厭厭睡起遲。曉鶯啼斷綠楊枝。夢中無限

風流事。盡在停針不語時。又紅芳落盡井邊桃

病酒懨懨日正高。百尺朱樓閒倚遍。靜看燕子

壘新巢。又細草春莎沒繡鞵。閒柔女伴過西家

春風不管人憔悴。開遍薔薇一樹花。又水雪肌

膚力不勝。皓憐風月為多情。自慚不及鴛鴦侶

雙宿雙飛過一生。又倚闌無語倍傷情。夜合花

開香滿庭。卷管一聲何處笛。細風斜雨不堪聽

又郎上孤舟妾上樓。感時傷別思悠悠。離心不

異西江水流。到瓜州古渡頭。又曉角昏鐘為底

忙。怕黃昏後又昏黃。近來欲睡兼難睡。半是思

郎半恨郎。又盡日無人獨倚樓。愁來對鏡懶梳

堯山堂外紀卷八十七

二十七

頭深知身在情長在。嫁得蕭郎愛遠遊。又香塵
微浣合懽鞋。花影無人自上階。折得一枝香在
手。思君簪向鳳凰鈿。又一更更盡到三更水。篔
銀牀夢不成。欲把傷心問明月。清光此夜為誰

堯山堂外紀卷八十八

晉陵蔣仲舒編

國朝

羅倫

字彛正一字應魁號一峰殿試卷騰以十三幅為格本朝廷對策惟一峰極

長蓋一峰既中會試於禮部須卷時自言久於場屋有志廷對願增帑以畢所欲陳禮部官壯其志許之謄真遂有二十幅時李文達進讀羅卷幾一時餘李年漸高號久至不能起上命兩力臣掖之是年羅遂為大魁至次科會試亦有欲比羅例者禮部官以為有意希望音不從故至今世以十三幅為式

堯山堂外紀卷八十八

乙

戎化乙酉羅倫赴春闈道經蘇州為文謁范文正

公祠是夕宿舟中夢文正遺詩曰賜帶橫腰重

宮花壓帽斜勸君少飲酒不文臥烟霞明年狀

元及第不久謝政歸隱而卒

羅倫上疏論閣老南陽李賢奪情事調廣東市舶

提舉時學士陳文為李畫策故有此貶後倫復

官李已謝世及文死薛之綱御史作詩挽之曰

學士先生早蓋棺薤歌殷裏路人歡填門客散

名猶在肩郭田多死亦安鹽井已非今日利米
山不似舊時寒九原若見南陽李為道羅倫已
復官

畢瑜貴溪人羅倫榜進士

畢瑜為山東提學日有張驛丞者鄉試中式瑜贈
之詩曰一官耻不與清流忙裏遺編自校讐枳
棘豈能留彩鳳鹽車未必困驂騑東藩領薦名
初顯西蜀題橋志已酬脫却樊籠入佳境春雷
堯山堂外紀卷八十一

萬里步瀛洲

張昇

字啟昭號栢岷南城人成化己丑傳臚
前一夕夢登天两手挈二人頭云皆同
姓者及開榜一甲首為昇
二甲首張燧三甲首張曉

張昇為翰林侍讀會風雹發自天壽山毀瓦傷物

震驚陵寢朝廷戒諭群臣修省遣官祭告於是

昇數劄閣老吉十罪謫南京工部員外郎同鄉

何喬新贈以詩曰鄉邦交誼最相親忍向離筵

勸酒頻抗疏但求禪聖治論思端不忝儒臣自

憐石介非狂士。任詆西山是小人。暫別巒坡非遠謫。莫將辭賦爭靈均。由是人目吉為劉綿花。以其耐彈也。吉聞而大怒。或告以出自監中。一老舉人善恢諧者。吉奏凡舉人監生三次不中者不許會試。

翰林院學士惟一人。多或三五人。弘治壬戌秋閣老洛陽劉公健。因修會典成。欲德翰林一時陞學士者十人。時禮部尚書已有六人。謝遷以在

堯山堂外紀卷八十八

三

內閣張昇為禮書掌鴻臚事。崔志端以禮書掌太常事。并南京為六人。崔由神樂觀道士京師為之語曰。禮部六尚書。一員黃老翰林十學士。五箇白丁。一時盛傳以為的對。且有譏警益此五人。謂山西張陝西楊大興劉并某某皆成化戊戌閣老萬公安以私意選為庶吉士者。

費閻

字廷言丹徒人成化己丑會元

費廷言自進士至司業纔九年未受命。兩月前李

西涯嘗夢廷言拜是官已而果然後赴廷言飲
留題廂壁云壁水橋門別是天瀛州東望亦登

仙館中群士有同輩天下此官無剩員

南京舊多闕世

北監一人坐擁圖書消暇日夢隨冠蓋入新年班行

舊會今稀少莫恠相過意惘然

費閭為祭酒日鳳翔之麟遊有虎臣者貢入太學
適聞萬歲山架棕棚以備登眺臣上疏極諫

憲廟竒之閭初不知也懼其賈禍乃會六堂鳴

堯山堂外紀卷十八

四

鼓穀罪鐵索鎖項以待俄有官校宣臣至左順

門中官傳溫旨勞之曰爾言是也棕棚即拆卸

矣命銓選予臣七品正官閭聞而大慚臣名遂

播天下後知雲南鄂嘉縣卒于官楚雄姚鵬哭

之以詩曰獻策當年為國憂至今浩氣貫皇州

只期事業垂千古豈料形骸付一丘青史有名

書虎氏錦衣無復耀麟遊蒼天不管忠良士空

使窮荒草木愁

吳寬

字原博號匏菴長洲人應試南畿時同寓有施煥伯者中榜逮虎鳴宴罷煥伯

出曰吾意兄策臯搗之騎遵崇化之途矣寬曰同行無疎伴其有養如此

吳原博寬未第時已有能詩名成化壬辰春李西涯省墓湖南時未始識也蕭海鈞文明為致一詩曰京華旅食變風霜。天上空瞻白玉堂。短刺未曾通姓字。大篇時復見文章。神游汗漫瀛洲遠。春夢依稀玉樹長。忽報先生有行色。詩成獨立到斜陽。西涯陞辭日見考官彭臬五為誦此

堯山堂外紀卷八

十一

五

詩戲謂之曰場屋中有此人不可不收敷五問其名曰予亦聞之矣已而果得原博為第一

李西涯赴吳原博飲席上用擊鼓催花令戲成一詩曰擊鼓當筵四座驚。花枝絡繹往來輕。鼓翻急雨山頭脚。花鬧狂蜂葉底聲。上苑枯榮元有數。東君去住本無情。未誇刻燭多才思。一遍須教八韻成。

館閣諸公同集吳寬邸賞菊即席聯句陸簡倡云

醉愛寒香拂紫貂。陳璠云：王堂風采宴宮僚。李
傑云：肯孤晚歲花神約。王鏊云：須仗今朝酒聖
澆。寬云：風雨尚懷前會阻。李東陽云：雪霜猶喜
後時凋。林瀚云：不知陶徑孤吟處。謝鐸云：零落
何人許見招。

吳原博雪後入朝詩云：天門晴雪映朝冠。步瀝頗
扶白。玉闌為語後人須把滑。正憂高處不勝寒。
饑鳥隔竹餐。應盡馴象當庭踏。又：莫向都人

堯山堂外紀卷八十八

六

誇瑞兆。近郊或恐有袁安。

王鏊

字濟之。少隨父游京師。盛試所學奇
之時。冢宰王翱新逝。盛曰：失一王翱。得

一王鏊。安知非後來忠肅乎。後鄉會試。皆
第一。廷試策又冠。場時商文毅公秉衡恐

其軋已抑
置第三

王文恪公六七歲時附學於舅氏。一小女使送茶

王戲以手握其手。舅氏出一對曰：奴手為擎。此
後莫擎奴手。王即對曰：人言是信。從今母信。人

言。

王文恪公年十二能詩有以呂純陽渡海像求題
公援筆書其上云扇作帆兮劍作舟飄然直渡
海洋秋饒他弱水三千里終到達萊第一洲識
者已知公為遠器矣

劉戩

字景元安福人
乙未榜眼及第

劉景元以侍講使交南時交人吞占城侵緬甸頗
難其行劉毅然上道攜二僕由南寧直抵其境
交人驚曰昔之人皆航海來颺檣蒞洋貿易易

堯山堂外紀卷八十八

七

奇今公豈天人耶何其簡速也奉使館候況昔
倍恭陪臣拜跪劉據大明集禮之文受之不與
交一語至之日頒詔明日宴畢即行王大驚曰
一國生靈命緣天使致饋遺豐腴倍昔金珠犀
象珍玩甚多劉一不顧即行復遣陪臣要於路
期必致之劉復書示以初入關詩曰咫尺天威
誓肅將寸心端不愧蒼蒼歸裝若有關南物一
任闕神降百殃交人益敬悚遣陪臣入謝表有

廷臣清白之語云

王琰

字良璧棗陽人
乙未第進士

王琰初授行人擢御史巡按蘇松有聲吳地號繁
劇徧詢輿臺巨奸宿蠹一剔而盡平生清若人
所不堪卒之日衾襯不備合臺助焉嘗題夏太
常景墨竹曰幽人研玉露寫此青琅玕清標正
相似儵然同歲寒蓋言志也

景本名昶字仲招
東吳人登進士時
冒姓朱後復其姓以善書徵入翰林文皇以所
書為第一顧見其名謂曰太陽麗天照臨萬國

堯山堂外紀卷八十八

以宜書在永上景頓首受命工
夫以為榮一時同名者皆改焉

傅凱

南安人曾
彥榜進士

傅黃門使夷域道經仙遊縣九僊祠傅禱以驗出
使事夢有孺子歌云青草流沙六六灣傅度之
漠然於中至夷域館燕殊隆飲間夷王令主客
者請曰黃河濯水三三曲願天使為我對之律
念前夢詞意兼絕即對云青草流沙六六灣夷

王驚服盡以珍寶奇玩厚遺而還蓋吾華有九

曲而是夷有三十六灣彼謂知吾華之勝吾亦
能博彼夷之界故也

臨海錢參政為諸生時嘗
夢月夜泛舟中流賦詩一

聯曰夜色一箇月江聲兩岸潮後二十年自嶺
南謝事歸帶月行舟潮聲初至恍然如見往時

夢中之景感嘆人生行止似不偶然因慘然不
樂至五鼓不疾而終

豐城余副使為諸生時

祈夢於九鯉湖仙祠夢入古寺花木映簾泉聲
滿戶壁間有唐詩一絕云月華星彩坐來取嶽

色江敲暗結愁半夜燈前十年事一時和雨到
心頭既覺悵然自分科目絕望矣越數年登進

士為御史以仙祠之夢不足信後為廣東副使
巡海至山中古寺風景依然如夢仰見所夢唐

詩濃墨大字書在壁間乃惕然驚更達但不睡
次日乃得罷官之報蓋仙祠之夢多驗於結局

堯山堂外紀卷八十八

九

也類
如此

羅鑒

號湘川茶陵人
傳凱同榜進士

羅湘川退居柳坪之上鑿池架亭名曰願樂日處

其間為詩云亭中樂事與誰傳朱紫身閑更大

年明月泛遊蘇軾後北窓高卧伏羲前林泉茹

飲貧魚辱花木栽培靜有權一室蕭然無俗慮

却疑身世是壺天

趙寬

字果夫吳江人少以論手稱
於吳中成化辛丑會試第一

趙栗夫與楊君謙同中應天府鄉試栗夫年二十
一君謙年二十次年同在太學吾常王文肅公
為祭酒雅重之每致引試二人遂為契交後同
在郎署君謙得請將還栗夫與王古直陳一夔
王存敬侯公繩徐栗夫來餞時日暮雨作諸君
叙坐而古直老人以隱者野服居首席君謙請
於諸君願按京師例作長句為樂因復請立一
人為詩監以典賞罰就請命題以趙栗夫為之

堯山堂外紀卷八十八

十一

栗夫曰今對夜雨只此可詠詩用五言以古字
為韻只詠兩夜事不許汗漫無干於是古直老
人先唱一句曰高筵啟秋雨次徐栗夫曰頓爾
淨餘燭得非洗我塵時栗夫初使回故云趙栗
夫曰侶欲添君酌階前渠溜走陳一夔曰燈下
簷花落來遲路遂阻入門而雨王存敬曰坐久
衣轉薄暫停得耳靜楊君謙曰忽至令心愕蕭
蕭佐歸懷侯公繩曰潺潺亂歡詭翻盆入杜詠

古直老人曰名亭見蘇作浸深墻可危徐栗夫
曰泛滿庭堪濯徙穴蟻何智趙栗夫曰歸林禽
亦樂未如啣杵陣陳一獲曰響失巡更柝諸公
競解帶王存敬曰群僕皆赤腳積陰已連朝楊
君謙曰浮潤先徵昨良濱坐自固侯公繩曰好
主投不錯決明色猶鮮古直老人曰梧桐意方
索滴成老况愁徐栗夫曰激起鄉思惡吾方利
河漲趙栗夫曰我亦思履着試將聽官舍未一

堯山堂外紀卷八十八

十一

變曰何如枕山閣朝銜泥想尺王存敬曰漏地
水驚勺忙身夜竊暇楊君謙曰病體亦待藥對
酒今則同侯公繩曰逐事明又各搜吟思已倦
古直老人結之曰願且更束約是為聯句古直
老人為之終始凡三巡而畢爾我交評咸以為
佳詠云

方七人聯句時一客秉筆構思則有六客無事一
巡詩至須待二三刻楊謙君復立一令裂紙如

掌潤者七紙請於趙栗夫曰聯句未至時請各
自述一首述不當者君詩豎主之時徐栗夫先
成曰黃金臺下雨聲稠白玉橋邊水亂流戀闕
思親情更切不堪今夜故人留陳一夔次成曰
自笑馮郎老更迂故山田舍半荒蕪縱然麟閣
在平地未有丹青畫老夫王存敬次成曰七賢
言志一燈前次到迂夫獨篋然食祿十年官再
徙不曾留得買書錢楊君謙次成曰長揖詣公

堯山堂外紀卷八

十八

十二

從此辭病人筋力自家知如今只把醫方看做
得功名也是癡古直老人次成曰秋雨暝簷聲
滴滴夜堂燒燭影輝輝自怜玉粲身飄泊白首
人間尚未歸侯公繩次成曰馬蹄日日走紅塵
自怪微官繫此身滄海烟波無限好未歸真是
不如人趙栗夫次成曰苦憶東南山水隈已無
情緒走塵埃何人先自清游去我有青鞋亦共
來時雨益甚不止而聯句猶未成諸君各作此

自述詩與聯句無妨一時樂甚

陳一夔亭華人與蘇去二百里於趙栗夫固鄉人也
也兩人交甚厚若兄弟然無一會不俱者一夔
好作詩醞藉典則時有真詣語如詠秋懷云人
老漸驚生白髮家貧未辦買青山楊君謙以為
自然妙句一夔崛強每遇事不可意必云吾只
不作官乃已耳其心能輕功名如此汝七人聯
句之夕一夔作詩田園意屢見時各有互句贈

堯山堂外紀卷八十八

十三

答詩一夔贈栗夫云巢巾街西新卜居豈棚瓜
蔓共蕭疎胸中富有書千卷誰笑家無擔石儲
栗夫得詩仰面撫掌大笑連稱妙甚衆客傳觀
皆賞以為雅製栗夫答云風流故與時情別櫟
散偏於酒趣深未老便為投綬計知公天性在
山林君謙笑云一夔未去若據君言則是一夔
即今就去也栗夫戲曰吾欲促其去耳筵中為

之一噓

彭福

字綏之樂平人脫號懶農

彭綏之守秦州以直道忤部使者歸時寓鄱陽里
中有新登進士第者綏之具酌邀飲值微雨累
速不至綏之遺以詩云倘來名利若游塵何事
癡兒太認真咫尺泥塗行不得山陰雪夜是何
人

彭懶農落職家居縣當大造其子囑司書者飛稅
他戶懶農知之招司書飲戲贈之詩曰洛陽城

堯山堂外紀卷二十八

十四

中桃李花飛來飛去落誰家司書答曰舊時王
謝堂前燕飛入尋常百姓家懶農曰既不飛上
天飛入地不過飛入百姓家耳安忍為此乃為
詩謝之曰洪水推沙塞兩涯推來推去只交加
誰知二世宮中鹿走過劉家又李家飛稅竟止
弘治間樂平有趙尹考滿還任邑中士夫皆趨迓

之彭懶農獨投以詩云洎陽纔駐使君標本欲
趨迎懶折腰莫恠野人疎禮節好從陽晝說陽

橋人皆莫喻其意一日編修程念齋見之笑曰

綏之譏我邑中八深矣蓋用宓子賤事也

子賤為單

父宰過於陽畫曰吾少也賤不知治民之術有釣道二焉請以送子夫扱綸錯餌迎而吸之者陽橋也其魚薄而不美若存若亡若不食者魴也其為魚也博而厚味子賤曰善未至單父冠蓋迎之交接於道子賤曰車驅之車驅之夫陽畫所謂陽橋者至矣於是至單父請其耆老尊賢者而與之共治

儲罐

字靜夫號紫墟先世毘陵人元末徙泰州

儲罐初游州庠少循矩度學官示以句曰賭錢喫

堯山堂外紀卷二十八

十五

酒養漚娘三者備矣儲應穀曰齊家治國平天

下一以貫之已而舉應天癸卯鄉試第一甲辰

會試第一比廷對罐以三元自期內閣聞其自

負乃抑置二甲第一自後勵行檢務文學遂得

全終身名

李昱

字子陽號東崖錢唐人與王華同庚而長三十一日庚子考官取華為解首監

臨謝御史嫌華白衣乃更李李王皆營膳所正班班之文者夢中得一舉中雙元之

句以為必無

事後相繼首擢

予子陽少有文名成化庚子秋試八月二日與同
輩入學晨參忽五色一鳥飛入明倫堂盤旋不
去詣生喧雜聚觀竟棲止於梁間二日衆以此
殆文明之兆子陽為詩慶之曰文采翩翩世所
稀講堂飛止正相宜定應覽德來千仞不但希
恩借一枝羨爾能知鴻鵠志催人同上鳳凰池
解元魁選皆常事更向天衢作羽儀是歲子陽
果以易經發解甲辰廷試第一

堯山堂外紀卷二十八

十六

成化癸卯冬李子陽將赴春闈友人鎖懋堅者送
之賦正宮謁金門詞云人艤畫船馬鞍上錦韉
催赴瓊林宴塞鴻聲裏暮秋天綠酒金盃勸畱
意方深離情漸遠到京廷中選今秋是解元來
春是狀元拜舞在金鑾殿已而子陽果魁天下

懋堅字或人 扈宋南渡遂為杭人代有詩名懋

堅尤善吟 賦七間遊茗城朱文理座間索賦

其家假山懋堅賦沉醉東風一闌云風過處香

生院宇兩杈時琴溼琴書終來小朵峰幻出天

照趣倚闌干盡日去圖謾說蓬萊恐

是虛只此是神仙洞窟為一時所稱

凡人命題云新竹以村姑遇節略施薄粉李子陽
卽對曰落梅如老妓下稍猶帶餘香

邵寶

字日厚號二泉無錫人與儲唯領袖文
苑膏節奉人畧敬苑文正義用於所居

畫小井田扁
曰橫渠遺意

邵寶為大司徒疏乞終養不允其詩云乞歸未許

柰親何帝里風光夢裡迴三月春寒青草短五

湖天遠白雲多客囊衣在縫猶密驛路書來字

欲磨聖主恩深臣分淺百年心事兩蹉跎讀之

堯山堂外紀卷八十八

十七

令人感深最為海內傳誦

程楷

字廷澤號念齋樂平人

程念齋初發棹北上赴會詒是夕夢人有携扇面

畫梅枝一念齋題云誰把枯根紙上栽瓊花錯

落帶晴開天公預報春消息占斷江南第一魁

覺而喜則手了未果中禮部第一官編修無嗣

而卒人謂枯根之語意為先讖云

元山堂外紀卷八十八終

堯山堂外紀卷八十九

晉陵蔣仲舒編

國朝

敬皇帝

升遐之日大風拔木市中織盡騰空中衆見有黃袍人乘龍而升者

孝廟御製靜中吟曰習靜調元養此身此身無恙
卽天真周家八百延光祚社稷安危在得人
是時召學士張元禎進講太極圖契於皇心見於
皇言深行主靜立極純心用賢之說

堯山堂外紀卷八十九

乙

孝廟體稍不佳卽誦詩云自身有病自心知身病
還將心自醫心若病時身亦病心身原是病生
時

弘治三年會元錢福狀元及第 上為句曰春闈

得士狀元元是會元詞臣應制曰曉殿遷官少

保保為太保十月頒曆 上為句曰鳳曆初須

春意遠孚於四海詞臣應制曰麟經繼作聖心

允契於百王皆以稱旨聞

孝宗端午自書一對云綵線結成長壽勝丹砂書
就辟邪符重陽出一對云今朝重九九重又過
一重陽命大監蕭汝等對之皆不能應後亦未
聞有能對者

孝廟優禮大臣無大故未嘗斥辱如尚書劉大夏
都御史戴珊輩往往召至幄中從容講論天顏
和悅真如家人父子內閣諸臣皆稱為先生李
西涯有詩云近臣嘗造膝閣老不呼名蓋實錄
堯山堂外紀卷二十九
也

孝廟徧祀宗藩秦王送朝使詩曰九重聖主篤同
宗遣使明裡禮秩崇卿相敬恭承德意廟靈仿
佛著儀容客山夜靜風雲會大地春回雨露濃
歸覲重煩陳一語親藩存沒感恩同

癸亥正月郊 上以微恙不果行有旨俟平復親
舉至二月中旬始克行蓋上謂天子祭天地不
可假諸臣下必俟疾愈方舉故變輿出郊遠近

快睹皆呼萬歲李閣老東陽有詩云聖躬已豫
思蠲潔願達平安上紫宸紀其實也

鄒智

字汝愚號立齋四川合州人居龍泉庵
貧弱能學之給則掃樹葉蓄之焚以照

讀書達旦如是者
三年遂成通儒

鄒立齋年十六發解蜀省迎宴日閭巷覩者藉藉
嘆羨公馬上占絕句云龍泉山下一書生偶占
三巴第一名世上許多難了事市兒何用喜相
驚比上春官時鄉里一尊官見而欣羨之謂曰
堯山堂外紀卷二十九

三

某省一解元與子相若可一訪否尊官蓋俗軍
第羨其均以妙齡擢巍科云爾公初以其為同
志也亟訪之才晤坐以其人忽問曰子省榜首
坊金視衆舉子為增幾何公大恚即拂衣起不
答而出

孝廟登極御史湯鵬等交章薦起三原王恕為吏
部尚書公素禮重風義之士李文祥及鄒智十
餘人與鵬往來高自標榜謂鵬為先鋒文祥為

大將既而鷲謫成甘肅辭連及智併下之獄智
在獄中寫懷詩有曰人到白頭終是盡事垂青
史定誰真夢中不識身猶繫又逐東風入紫宸
初劉吉憾鄒智嘗劾已諷錦衣衛逼供智與湯鷲
等往來欲處以死刑部侍郎彭韶辭疾不為判
案始獲免乃謫雷州石城千戶所吏目辭朝詩
曰盡披肝膽知何日望見衣裳只此時但願太
平無一事孤臣萬死更何悲及赴謫所道經廣

州有司留館坡山事民爭先謁焉其同年蒼梧
吳獻臣廷舉尹順德令邑民李煥於古樓村建
亭居之扁曰謫仙其父來視責以不能祿養箠
之泣受不辭弘治辛亥十月卒獻臣往治其喪
適方伯東山劉公大夏至邑不暇出迎廉知其
故反加禮待共資卹還其喪獻臣自是知名白
沙陳公甫追次智詩曰遷客一亭遺海濱當時
誰號謫仙人花汀柳市無疆界盡是乾坤一樣

春獻臣和曰浮雲浩浩南海濱落花獨照窮愁人
狼藉幾株桃李盡謫仙亭上可憐春趙進士
璜曰拄頰孤亭野水濱悶壺風月謫仙人而今
只有殘鶻在啼老東溟二月春蔣知縣昇曰謫
仙亭子海之濱仙去亭空月傍人二十四番花
落盡一杯誰共送殘春

李文祥

麻城人鄒智同年進士

初萬安子翼第進士官至侍郎翼子弘璧復倖雋
堯山堂外紀卷八十九

五

李文祥為其同榜時肩才名將奉大對安欲以
弘璧託之因許及第文祥以正對安乃使弘璧
延於別館致款屬題畫鳩文祥奮筆作詩其末
句云春來風雨尋常事莫把天恩作已恩安銜
之弘治初有姦孽文祥妄議朝政者謫隆興衛
經歷西涯贈言一聯云戒酒不從花底醉愛舟
多在水中居李後被酒過河水陷溺死人以為

識

楊茂仁 字志道文懿公守陳子也鄒智同榜進士

吳江為刑部主事差還復命鴻臚寺官語之曰穀音要洪大正選通政時也起身不要背上至日早吳果努力高毅亦無音節又橫走下御街西孝廟為之解顏時同僚楊郎中茂仁作一對句云高叫一聲驚動兩班文武橫行幾步笑回萬乘君王一時盛傳資諫云

胡燿 字仲光蕪湖人毛澄榜進士

克山堂外紀卷二十九

胡仲光初改庶吉士內閣試上苑聞鳩詩曰春日晴和欲醉人耳邊忽聽一聲新似將明主三推意喚起良農四海春花鳥有情憐好景雨暘無補愧微臣聽餘忽起江南思百畝沙田野水濱內閣以暘雨句為譏已遂出為戶部主事

盧瀚 揚州人同榜進士

盧瀚妻李氏名妙惠有貞操弘治初盧會試不第留京講學有同姓名者亦誤傳至家會歲饑父

母憐李寡強以聘江西新淦巨商謝能之子啟
李自經者再不得已歸於謝謝繼母亦揚州人
李懇乞為婢以全節操啓不能奪李侍母不離
啟先載鹽赴江西母與李繼歸舟泊金山母與
李登寺酬愿李題詩於壁云一自當年折鳳凰
至今消息兩茫茫蓋棺不作橫金婦入地還尋
折桂郎彭澤曉烟歸宿夢瀟湘夜雨斷愁腸新
詩寫向金山寺高掛雲帆過豫章署其後曰揚

堯山堂外紀卷八十九

七

州盧某妻李氏題既而盧舉進士以修實錄差
往江西過揚州知李已嫁及登金山寺見所題
詩而泣及至江西訪鹽船多艤河下教慧隸誦
詩往來鹽舡間二日李聞知喚問詩從何處得
隸告以故李驚喜曰吾夫尚存耶密約暮夜以
舟來迓蓋恐明言之則聲揚不雅也是夜果附
舟舁至盧寓館為夫婦如初蓋李歸謝逾二年
貞操益勵謝母亦為獲持以遂其志及是歸盧

母亦嘆異

李瓚

濮州人號杏岡
朱希周榜進士

李杏岡嘗謫判饒州時長興箬溪顧公應祥為節
推同寓景德鎮竹館壁有舊題杏岡和云世態
等川流浮生到處留榮枯一場夢今古兩層愁
誓志堅如栢持心赤似榴上方如可惜請斬佞
臣頭時有暴縱故末句云既乃屬箬溪和云逝
者無端晝夜流少年一去仗誰留酒星照我何
堯山堂外紀卷八十九

八

嘗醉世事憑他不用愁
槐影怕看當戶月賞心
惟愛隔牆榴
寒
不
管
興
亡
恨
底
事
啾
啾
在
砌
頭
杏岡大稱賞

趙鶴

字叔鳴揚州人李瓚同榜詩耻九語於
古愛謝益運於唐愛孟郊於元愛劉巨

趙叔鳴督學山東誓清膠庠所至考校生員多所
罷黜衆議紛然縉紳亦多厭之竟以此罷官鶴
去貴溪江潮代之潮亦凡數凜然生員之傷予

者猶畏之潮出巡至齊河臨其分司壁間有題

對句云趙鶴方翦羽翼江潮又起風波潮見之
自科舉後不復再歲考

陳琳 莆田人亦李贊司榜

陳琳典南畿學政甚得士子心後以諫去國諸生
中獨朱良育送詩最為傳誦其詩云春風露見
出郊原落日停驂望國門抗疏要談天下事請
官應過海南村湯湯江漢羈臣淚納納乾坤聖
主恩歷試古來名節士為言身屈道尤尊識者
堯山堂外紀卷八十九 九

以如不下李師中送唐御史也

張恩 南城人拍崖狀元之子倫文叙榜進士

弘治間西曹有一對云一雙狀元子兩個探花爺
是雖貧說然亦奇事蓋主事有張恩王守仁其
父尚書昇學士莘皆狀元又有劉鳳儀李瓚其
子內翰龍內翰廷相皆探花也

張兩山方伯 恩 歸自嶺南與樂平朱肅川大尹 文

選 聯舟倡和過青灣兩山吟云輕篙短棹下清

灣一珠岷光四座環。水底有天映水。山前多
樹樹連山。忘機野鳥高應下。卧煖沙鷗去復還。
却咲烟波江上客。越南江北路間關。朱和云浩
歌一曲下溪灣。荷漢流光似轉環。縱我酒豪拚
歲月。逼人詩債為江山。懶飛鳧鳥天邊去。却駕
仙槎海上還。歸到故園深絕處。草堂長借白雲
關。西山嘆服

張丙山嘗寓白沙驛開武廟北巡作詩曰龍馭

堯山堂外紀卷八十九

十

奔胡戰膽寒。男兒此去負衣冠。平生犬馬心無
補。幾夜風波夢未安。愁極黃沙千里外。望窮紅
日五雲端。綱常一束無人任。却說中原宇宙寬。

魯鐸

字振之。湖廣景陵人。弘治壬戌春。初京

師有善古天文者。禮部諸公詰之曰。魁
在何處。占者曰。文星在楚。魁常在湖廣。越
一月。將揭曉。復命占之。占者評曰。文星入
楚淺。秦漢魁當在陝西。已而
譯中會元武功康海中狀元

魯文恪公為秀才時。曾有詩云。古樹岡頭屋數椽。

王人家世只殘編。居臨江漢東南會。運到雲龍

五百年。七澤鳶魚渾道體。九州兄弟或顛連。西
周老鳳雛將近。會見梧桐月影圓。其志趣如此
魯文恪公為舉人時。屬遠行。遇雪雨泥濘。夜止旅
舍。宿憐馬卒寒苦。即令卧之衾下。因賦詩云。半
破青衫弱稚兒。馬前怎得浪驅馳。凡由父母皆
言子。小異閭閻我却誰。事在世情皆可笑。恩從
吾幼未難推。泥途還藉志朝力。伸縮相加莫漫

子

堯山堂外紀卷八十九

十一

魯文恪公同榜。後有一魯鐸。永平人。又有兩朱袞。
一美貌。一不揚。時有對曰。魯鐸分南北。朱袞別
姪媼。

董玘 字文玉號中峯初名元

弘治乙卯。張御史泰按雲南。會鎮守太監劉昶總
兵黔國公沐琮。巡撫都御史張浩。保舉神童董
元者。紹興人。知雲南府。復次子也。八歲能詩。詠
胡桃曰。形狀如雞子。剛柔實未分。擘開混沌殼。

渾是一團仁。梅月曰夢覺羅泮夜已闌。君矣雲
靜月團圓。王人不學桃花面。淨洗紅粧鏡裏看。
九歲以來真楷草書歌賦序記及三場文字亦
皆能之。今十三矣。請查照李東陽程敏政揚一
清洪鐘事例。考送翰林院讀書。疏上上召試不
如所言。命還藉。乃克會稽縣學生更名玘乙丑
會元登第。

顧鼎臣

字九和初名全號未齊崑山人父恂
平五十餘始進公既壯每夜焚香表

崑山堂外紀卷八十九

十二

祈父壽一夕夢黃鸞後天飛來近視之即
而焚表也後有硃批字數行末云自此以
後開田單火牛通行
無滯蓋乙丑之兆云

崑山之俗以八月十八日為潮生日合邑往東門
觀潮弘治甲子鼎臣觀潮詩云海若鞭潮出海
門。霆奔雪捲帶靈氛。六鼇駕撼三山動。萬馬
傳。百谷聞。應識更期人似玉。往觀誰使女如雲。
傳巖舟楫真時用。康濟功成日未曛。明年大魁

天下

魏校

號莊渠崑山人
顧昂臣榜進士

魏莊渠督學嶺南以正學迪士始一二年校士以
文暨後專崇行檢士未試文而高下進退已
定列臨試止書一破而已然親信一二生徒惟
言是用有林生者竟以賄敗公嘗會十郡之士
講於臬司之愛蓮堂有書一韻絕句云自疑自
失自驚心却笑斯人巧用心惟有愛蓮堂上月
分河照破此人心

堯山堂外紀卷八十九

十三

馮蘭

弘治間姚江馮蘭為董學憲副有同年嘉禾侍郎
屠勳相遇錢塘屠談往與東郎中結奏事曰東
已死於軍妻子流落予官尚未及乎繼而出棋
局扇面索題馮後筆曰白雲堆裏四公亭亭下
只遺空石秤相逢莫自誇高手一遍輸來一遍
贏屠遂默然

堯山堂外紀卷八十九終

